

Minister Michelle Hooyboer-Winklaar durante
"Un canto na nos Himno y Bandera"

Ta importante pa sigui enfoca riba participacion di nos hobennan

DURANTE fin di siman a tuma
lugar e gran festival di canto "Un
Canto na nos Himno y Bandera"
unda cu sr. Harry Croes un biaha
mas tabata un di e motornan
grandi tras di un festival cultural.
Minister di Asunto Economi-
co, Social y Cultural, Michelle
Hooyboer-Winklaar a sinti'e
sumamente contento di mira e
gran trabou cu e organizacion a

haci na mes momento ta felicita
tur e ganadonan di e festival aki,
N'e ganador Cesar Olarte, di
dos lugar Lily Roger, di tres
lugar Micheal Tromp, di cuater
lugar Chantal Quant y di cinco
lugar Jelitsa Croes. Tur di nan a
demostra gran talento den nan
presentacionnan, pero esnan cu
no a cay den premiacion e aña
aki tambe ta un gran ganador,



debi cu nan tambe a participa
y demostra nan amor pa nos
cultura y nos pais.

Loke ta masha importante t'e
participacion di e generacion
nobo n'e festival aki, mustrando

asina cu nos cultura ta duradero
y cu hobennan ta aprecia nos Dia
Nacional y e celebracion cultural
cu ta bin cune.

Ta importante pa hobennan
sigui inverti den nos cultura, sea
ta via canto, baile, arte of cualkier

otro forma di expresion cultural.
E festival: "Un Canto na nos Him-
no y Bandera" ya ta forma parti
di nos gran celebracion di 18 di
maart y sigur esey ta algo cu e
Minister di Cultura ta orguyoso
di dje tambe!